

Na osnovu člana 90. Zakona o bankama („Službene novine Federacije BiH“, broj 27/17), čl. 5. stav (1) tač. a) i h) i 19. stav (1) tačka c) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17) i člana 12. stav (1) tačka d) Statuta Agencije za bankarstvo Federacije Bosne i Hercegovine („Službene novine Federacije BiH“, broj 3/18), Upravni odbor Agencije za bankarstvo Federacije Bosne i Hercegovine, na sjednici održanoj 04.04.2023. godine donosi

ODLUKU O PRIVREMENIM MJERAMA ZA OGRANIČAVANJE IZLOŽENOSTI BANKE

Član 1.

Predmet

- (1) Ovom odlukom utvrđuju se privremene mjere sa ciljem umanjavanja rizika koji mogu rezultirati izlaganjem banke prema izdvojenim izloženostima koji se smatraju značajnim.
- (2) Ovom odlukom propisuju se minimalni zahtjevi u upravljanju izloženostima kojima je banka izložena ili bi mogla biti izložena u svom poslovanju, a koji uključuju ograničenje i upravljanje izloženostima banke, pri čemu banka može primijeniti i strožija ograničenja.
- (3) Odredbe ove odluke primjenjuju se na banke sa sjedištem u Federaciji Bosne i Hercegovine (u daljnjem tekstu: FBiH) kojima je Agencija za bankarstvo Federacije Bosne i Hercegovine (u daljnjem tekstu: Agencija) izdala dozvolu za rad.
- (4) Banka je dužna primjenjivati odredbe ove odluke na pojedinačnoj osnovi, a na konsolidovanoj osnovi u skladu sa propisima kojima se uređuje supervizija na konsolidovanoj osnovi.
- (5) Na pitanja koja nisu definisana ovom odlukom, a definisana su zakonom ili drugim podzakonskim aktima, primjenjivati će se odredbe tog zakona ili drugog podzakonskog akta.

Član 2.

Pojmovi

Pojmovi koji se koriste u ovoj odluci imaju sljedeća značenja:

- a) **Izdvojene izloženosti banke koje se smatraju značajnim** u smislu ove odluke su izlaganja banke prema centralnim vladama ili centralnim bankama izvan Bosne i Hercegovine (u daljnjem tekstu: BiH) ili izloženosti prema centralnim vladama ili centralnim bankama izvan BiH kao izdavaocima kolaterala ili pružaocima nematerijalne kreditne zaštite čiji iznos izloženosti prelazi 100% priznatog kapitala banke;
- b) **Centralna vlada** – definisano članom 2. tačka u) Odluke o izračunavanju kapitala banke.
- c) **Regulatorni kapital (priznati kapital) banke** – definisano članom 2. tačka kk) Zakona o bankama.
- d) **Izloženost** – podrazumijeva izloženosti u skladu sa čl. 3. i 4. Odluke o velikim izloženostima.

Član 3.

Ograničenje izloženosti

- (1) Zbir izloženosti banke prema svim centralnim vladama ili centralnim bankama izvan BiH ili izloženosti prema istim kao izdavaocima kolaterala ili pružaocima nematerijalne kreditne zaštite, a kojima se u skladu sa članom 50. Odluke o izračunavanju kapitala banke dodjeljuje ponder rizika 0% ne smije prelaziti iznos izdvojene izloženosti koja se smatra značajnom.
- (2) Kolateralom iz stava (1) ovog člana smatraju se i repo transakcije ili transakcija pozajmljivanja vrijednosnih papira drugoj ugovornoj strani ili od druge ugovorne strane.

Član 4.

Prijelazne i završne odredbe

- (1) Banka čija izloženost prelazi ograničenje propisano članom 3. ove odluke, dužna je uskladiti se sa istim do 30.09.2023. godine.
- (2) Ova odluka je privremenog karaktera i primjenjuje se do 31.12.2024. godine ili do opoziva od strane Agencije.

Član 5.

Stupanje na snagu

Ova odluka stupa na snagu osmog dana od dana objavljivanja u "Službenim novinama Federacije BiH".

Broj: U.O.-10-02/23
Sarajevo, 04.04.2023. godine

PREDSJEDNICA
UPRAVNOG ODBORA

Ivanka Galić, dipl.ecc., s.r.